

王益英潛齋醫書五種

卷十

隨息居重訂霍亂論三

藥方篇

藥性方劑

岳晉昌霍亂括要附

霍亂百病之一也。而其致病之由則不一。醫者審證投劑。寒熱
攻補各有所宜。誠未容偏執。一是顧軒歧以來治霍亂無專書。
臨證者卒鮮依據。自孟英以流離兵燹之餘。覩疹厲天札之慘。
因時論證。因證立法。而有霍亂論之作。於是治霍亂者始有成
法。可遵。獨惜其書流傳未廣。吾鄉仁術之士。以未獲一讀。是書
爲憾者。竟不乏人。光緒丁亥夏秋之交。霍亂遍吳越。治之苦無
善法。余友金君笠山。袖是書與同里馬君果。勸其重刊壽世。
馬君讀而善之。囑賢與汪君金三。司校勘事。訖歲餘。始畢工。沈
文杏田見之。語賢曰。王氏之論誠善矣。岳景昌霍亂歌括。其言
雖不文。治法固可傳也。盍附諸賢。以告果。果。以爲然。乃麗

之篇未焉。嗚呼。兩美既合。相得益彰。後之讀是書者。幸參觀而互證之也。可會稽德生高汝賢謹識。

與王孫金三同郊。烟律清。銀銷。舉工。此
高。公。余。文。金。球。冷。山。麻。具。書。與。同。開。外。鐘。赫。其。重。氏。請。世
無。測。昔。賞。不。乏。人。此。餘。丁。文。夏。林。到。其。海。山。龍。以。之。苦。無
出。可。數。斷。其。實。而。書。未。測。昔。際。自。謂。文。上。似。爾。其。一。蔚。具。書
因。刊。篇。篇。因。獨立。出。而。會。雲。頂。篇。定。其。然。且。故。者。而。皆。成。皆。如
謂。獨。昔。卒。推。於。對。自。孟。英。以。流。轉。其。例。之。銷。財。之。而。天。林。之。變
文。蘇。谷。育。祖。宜。嬌。未。容。融。輝。一。景。願。神。越。以。來。向。露。為。無。事。書
雲。逾。百。秋。之。一。出。而。其。凝。寂。之。由。限。不。一。響。音。審。強。姓。儼。寒。憐

隨息居重訂霍亂論總目

病情第一

總義

熱證

寒證

兼治法第二

伐毛

取嚏

刮法

焮法

刺法

揭洗

治熱證

熨灸

治寒證

偵探

策應

紀律

守險

醫案第三

南鍼

夢影

藥方第四

藥性

方劑

隨息居重訂霍亂論第四

藥方篇

海昌王士雄夢隱纂

藥性

原蠶砂 諸霍亂之主藥也。

黃芩 温病轉霍亂之主藥。凡吐下而熱邪痞結上焦胸次不

舒者。竝可與黃連半夏同用。

石膏 暑熱霍亂之主藥。凡吐利而苔黃大渴者。竝宜用之。外

挾風寒者。佐以紫蘇桂枝香薷生薑之類。內挾痰滯者。佐以厚

樸半夏菖蒲橘紅之類。下兼寒溼者。佐以防已細辛海桐皮威

靈仙之類。

滑石 溼熱霍亂之主藥熱甚者佐石膏溼甚者佐茵陳

薏苡仁 霍亂轉筋溺祕者之主藥也

木瓜 霍亂轉筋溺不祕者之主藥也

香薷 夏令浴水迎風而霍亂之主藥也

扁豆 中虛而暑溼霍亂之主藥也

西洋人參 虛人霍亂之主藥也

枳桔蘆薈子 停食霍亂之主藥也

梔豉石菖蒲 穢濁霍亂之主藥也

棟實黃檗桑葉絲瓜 霍亂而肝火盛者之主藥也

茅根地丁益母蒲公英 霍亂而血分熱熾之主藥也

竹筍石斛蘆根梔子枇杷葉 霍亂嘔噦之主藥也

厚樸蘆菔大腹皮 霍亂脹滿之主藥也

茵陳連翹綠豆皮絲瓜絡 霍亂身黃之主藥也

通草車前海金砂 霍亂無溺之主藥也

綠豆銀花竹葉黃連 霍亂誤服熱藥之主藥也

旋覆紫苑麥蘗蘆菔子 霍亂誤補之主藥也

人參龍骨牡蠣甘草石脂餘糧 霍亂大虛欲脫之主藥也

桂枝 傷寒轉霍亂之主藥也

紫蘇霍香生薑厚樸白豆蔻 霍亂因外寒之主藥也

吳茱萸烏藥砂仁高良薑 霍亂因內寒之主藥也

人參白朮炙甘草蓮子 中虛而寒溼霍亂之主藥也

丁香木香川椒神麴 瓜果魚蟹生冷傷中霍亂之主藥也

乾薑附子肉桂硫黃 陽虛中寒而霍亂及寒霍亂誤服寒藥

之主藥也

方劑 附目次

卧龍丹 二方 以下治熱證須預備者

立效丹

開關散

速效丹

甘露消毒丹

玉樞丹

紫金丹

行軍散

千金丹

紫雪

碧雪

絳雪

飛龍奪命丹

煉雄丹

三聖丹

以下治寒證須預備者

蟾酥丸 四方

霹靂散

回陽膏

黃芩湯 以下各方治熱證

黃芩加半夏生薑湯

梔子豉湯

白虎湯

白虎加人參湯

竹葉石膏湯

桂苓甘露飲

六一散

蔥豉湯

四苓散

平胃散

正氣散

半夏厚樸湯

六和湯

香薷飲

黃連香薷飲

左金丸

黃芩定亂湯

燃照湯

連樸飲

蠶矢湯

解毒活血湯

駕輕湯

昌陽瀉心湯

麥門冬湯

致和湯

五苓散

以下各方治寒證

理中丸

厚樸生薑半夏甘草人參湯

四逆湯

通脈四逆加猪膽汁湯

附子杭米湯

吳茱萸湯

漿水散

冷香飲子

大順散

神香散

來復丹

桂枝湯

異功散

梅花丸

此下杜絕霍亂方

資生丸

二方

卧龍丹 治諸痧中惡霍亂五絕諸般卒倒急暴之證

西牛黃

飛金箔

各四分

梅花冰片

荆芥

羊躑躅

各二錢

香當門子

五硃砂

六分

猪牙皂角

一錢五分

燈心炭

二錢五分

九味共研

細瓷餅密收毋使泄氣以少許搐鼻取嚏垂危重證亦可以

涼開水調灌分許併治癰疽發背蛇蝎蜈蚣咬傷用酒塗患

處。案羊躑躅。俗名鬪羊花。辛温大毒。不入湯劑。只可用以

取嚏。近目即昏翳。今肆中卧龍丹。以此為君藥。又去牛黃而

加蟾酥。滅輕燈心炭。而冰麝不過略用些須耳。故藥力大遜。

甚不可恃。好善者必自配製也。案冰片近日有一種洋冰以樟腦升提者性熱萬不可用

又

西黃分六梅片分六當門子各一錢北細辛一錢牙皂一錢羊躑躅各二錢

燈心炭一兩七味製如上法。主治亦同。

立效丹 治同上

硃砂三兩明雄黃一兩蓬砂各一兩梅冰一兩當門子各九錢火硝六錢

葦芡各三錢牛黃各三錢八味共研細。瓷餅緊收。勿令泄氣。每用分

許蘆管吹入鼻內。若卒倒氣閉重證。則七竅及臍中均可放。

置立蘇。凡暑月入城市。抹少許於鼻孔。可杜穢惡諸氣。

開關散 治番痧臭毒痛如絞。氣閉神昏欲絕之證。

燈心炭一兩 羊躑躅三錢 北細辛 杜蟾酥 牙皂各二錢 牛黃

梅片 當門子各一錢 八味共研細。瓷罇繫裹。毋令泄氣。每少

許吹鼻。得嚏即生。

速效丹 治諸痧手足麻木。牙關緊急。目閉不語。胸背有紅點。

或咽腫心痛。及風餐露宿。寒暑雜感。危急之證。

北細辛 牙皂各三錢 硃砂二錢 廣木香 陳皮 桔梗

貫眾 薄荷葉 防風 製半夏 甘草各二錢 枯礬一錢 白

芷錢十三味共研細末。瓷餅裝。每用三分吹入鼻孔。寒溼
內盛而病重者。開水調服一錢。方內入蘇合香二錢尤妙。按
妙藥方。藥品珍貴者多。惟此價廉。用以搐鼻。頗亦有效。故人
徐君亞枝嘗合大料。交余在淳溪施送累年。鄉人無不感頌。
甘露消毒丹 天土 治暑溼霍亂時感痧邪。及觸冒穢惡不正之
氣。身熱倦怠。脹悶肢痠。頤腫咽痛。身黃口渴。瘡痢淋濁。泄瀉
瘡瘍。水土不服諸病。但看病人舌苔淡白。或厚膩或乾黃者。
疫邪尚在氣分。悉以此丹主之。凡醫臨證亦當準此化裁。自
可十全為上。

飛滑石 十五兩

蘇茵陳 十一兩

兩

淡黃芩 兩

石菖蒲 六兩

兩

川貝母

木

通各五兩 霍香 連翹 射干 薄荷葉 白豆蔻各四十一

味不可加減。生曬研細末。瓷餅密收。每服三錢。開水溫溫服。

日二。或以神麴糊丸。彈子大。調化服亦可。此丹治溼溫時疫。

著效亦神。累年同人合送。價廉功敏。無出此方之右者。一名

普濟解疫丹。

太乙玉樞丹一名解毒萬病丹

治諸炒霍亂。疫癘瘴氣。喉風五絕。尸疰

鬼胎。驚忤顛狂。百般惡證。及諸中毒。諸癰疽。水土不服。黃疸

鼓脹。蛇犬蟲傷。內服外敷。功難殫述。洵神方也。

山慈姑去皮洗淨

川文蛤即五倍子搥破洗刮內桴干金子即續隨子去油取淨霜各二兩

紅芽大戟洗焙

當門子三錢五味先將慈蛤戟三味研極細末

魘魅以致人於死
也魘謂厭勝或
圖畫形象或刻
作人身刺心釘
眼繫手縛足釘
者或假託鬼神
或妄行左道之

再入霜香研勻。糯米湯調和乾溼得宜。於辰日淨室中。木臼
內杵干餘下。每料分四十錠。故亦名紫金錠。再入飛淨硃砂
飛淨明雄黃。各五錢。尤良。或以加味者。杵成薄片。切而用之。
名紫金片。每服一錢。涼開水調下。孕婦忌之。又不可與甘草
藥同進也。

太乙紫金丹 治霍亂痧脹。嵐瘴中惡。水土不服。喉風中毒。蛇

犬蟲傷。五絕暴厥。顛狂癰疽。鬼胎魘魅。及暑溼溫疫之邪。彌
漫熏蒸。神明昏亂。危急諸證。

山慈姑 川文蛤各二兩 紅芽大戟 白檀香 安息香 蘇

合油各一兩 千金霜一兩 明雄黃飛淨 琥珀各五錢 梅冰 當門子

西牛黃 當門子 眞珠 梅冰 蓬砂各五錢 明雄黃飛淨

火硝三分 飛金二錢 十八味各研極細如粉再合研勻瓷餅密收

以蠟封之每三五分涼開水調下

千金丹一名人馬平安散 治同上

明雄黃 蓬砂 硝石各一兩 硃砂五錢 梅冰 當門子各二錢 飛

金一百 七味各爲細末合研勻瓷餅緊裝每二三分涼開水

下或嗅少許於鼻內或加牛黃洄溪云此祕方也

紫雪 治痧脹穢毒心腹疔痛霍亂火熾躁脅煩狂及暑火温

熱癘疫毒厲諸邪直犯臆中猝死温瘧發斑狂易叫走五尸

五症鬼魅驚癇急黃蠱毒麻痘火閉口舌生瘡一切毒火邪

火穿經入臟蘊伏深沉無醫可治之證

黃金百兩石頑云須賃金鋪中煉過葉子煮之方有性味而

研入止用十兩薛公望云不用亦可寒水石石頑云如無真者慈石醋石膏如用飛金萬頁

尤妙以元精石代之白滑石各三

頑止用各五兩四石共搗碎用水一斛一石頑連金煮至四斗五石頑去

滓入下藥

犀角屑羚羊角屑青木香切沉香研各五斤石頑止用五錢

丁香一兩石頑止用一錢元參切升麻各一斤石頑甘草八

錢石頑用生者八八味入前藥汁中煮取一斗五升石頑一去

滓入下藥

樸硝十斤石頑用焰硝四斤石頑用三兩洞溪云二味入前

芒硝一兩余製此二硝止用十之一

藥汁中微火上煎。柳木篋攪不住手。候有七升。石頑七合半。投在

木盆中半日。欲凝。入下藥。

硃砂。研細水飛淨三兩。石頑五錢。當門子。研一兩二錢五分。石頑一錢二分。二味入前藥

中攪勻。勿見火。寒之二日。候凝結成霜。紫色鉛罐密收。每服

三四分至一錢。量用新水調灌。案雞峰方。無慈石滑石硝石。

二角祇用各十兩。丁沉香各五兩。升麻六兩。樸硝二斤。麝

香卻用三兩。餘六味分兩同。醫通云。此方即千金元霜。加甘

草丁香硃砂三味。遂易紫雪之名。余以其香味易散。故減小

其制。竊謂宜從張氏配合為是。

碧雪。治熱極火閉。痧脹昏狂。及霍亂誤服熱藥。煩躁脅亂。及

時疫憤亂便秘發斑一切積熱咽喉腫痛口糜齩爛舌瘡喉閉水漿不下等證

寒水石 石膏 硝石 樸硝 芒硝 牙硝 青黛 甘

草 八味等分先將甘草煎湯去滓納諸藥再煎以柳木筥不住手攪令消鎔得所卻入青黛和勻傾入砂盆內候凝結成霜研細密收每錢許涼開水下上焦病以少許含化嚥津不能嚥物者蘆筒吹入喉中齒舌病抹患處

絳雪一名八寶紅靈丹治霍亂痧脹肢厥脈伏轉筋昏暈瘴癘時疫暑

毒下痢等證竝治喉痺牙舌諸病湯火金刃諸傷均搽患處

硃砂 牙硝各一兩 明雄黃飛 蓬砂各六錢 礞石煨四錢 梅片 當

門子各三錢飛真金五十頁八味擇吉日淨室中各研極細再研

勻。瓷餅緊收。鎔蠟封口。毋使泄氣。每一分涼開水送下。小兒

減半。以藥佩帶身上。可辟疫氣。牛馬羊瘟。以此點其眼。即愈。

飛龍奪命丹 治痧脹疔痛。霍亂轉筋。厥冷脈伏。神昏危急之

證。及受溫暑瘴疫。穢惡陰晦諸邪。而眩暈痞脹。瞽亂昏狂。或

卒倒身強。遺溺不語。身熱癰瘕。宛如中風。或時證逆傳。神迷

狂譫。小兒驚癇。角弓反張。牙關緊閉。諸證。

硃砂飛二兩明雄黃飛燈心炭各一兩人中白漂煨八錢明礬 青黛

飛各五錢梅冰 麻黃去節各四錢真珠 牙皂 當門子 蓬砂各三

錢 西牛黃二錢杜蟾酥 火硝各一分飛真金三百頁十六味各

研極細。合研勻。瓷餅緊收。毋令泄氣。以少許吹鼻。取嚏重者。再用涼開水調服一分。小兒減半。案此丹芳香辟穢。化毒祛邪。宣氣通營。全體大用。真有斬關奪隘之功。而具起死回生之力也。

煉雄丹 治暑穢痧邪直犯包絡。神明閉塞。昏憤如尸。及霍亂初定。餘熱失清。驟爾神昏。如醉如寐。身不厥冷。脈至模糊者。皆燥熱無形之氣。蒙蔽膈中。如人在煙塵障霧中行。治失其宜。漸漸燥悶而死。此非牛黃清心犀角地黃等方可療。此丹主之。

極明雄黃

一分 研極細

提淨牙硝

六分 研細同入銅勺內。微火

丹竈鍊丹之竈也
守丹竈而不顧江淹賦

鎔化撥勻。俟如水時。急濾清者於椀內。粗渣不用。俟其凝定。收藏此丹竈家祕製也。案此法見游宦紀聞。陳平伯載此方。黃多而硝少。素圍糾其誤。謂黃多硝少。何能鎔化。今依楊定雄一硝六為率。

木通錢一通草錢三陳雨水用冬雪水似更良一椀煎出味去滓。再以陳

雨水九椀與藥汁和勻。每次用藥水一椀。磨入犀角三分。挑

入煉雄三釐調勻。徐徐冷灌。能於三日內服盡十椀藥水。必

有清痰吐出數椀而愈。蓋齋嘗親驗矣。

三聖丹 治寒溼為病。諸痧腹痛。霍亂吐瀉。

木香一兩不見火明雄黃二兩明礬三兩共研細末。以鮮荷葉橘葉藿

香葉各二兩搗汁丸綠豆大每服九分重者再服

蟾酥丸

治暑月貪涼飲冷食物不慎兼吸穢惡成痧脹腹痛

或霍亂吐瀉

杜蟾酥燒酒化

硃砂飛各五錢

明雄黃飛

茅山蒼朮土炒焦各一兩丁香

牙皂各三錢

當門子一錢

七味各研極細蟾酥打丸鳳仙子大辰

砂為衣放舌底化下重者二三丸洄溪云此祕方也

又治同上

杜蟾酥燒酒化開

明雄黃水飛各三錢

丁香

木香

沉香各二錢

茅山

蒼朮土炒焦四錢

硃砂飛一錢五分

當門子一錢

西牛黃三分

九味各研極

細擇上吉日淨室中合研勻同蟾酥加糯米粳尖五箇搗干

餘下丸如椒子大。曬乾盛于瓷碗內。再用硃砂一錢五分。燒酒調塗碗內。蓋好。用力搖一二千下。則光亮矣。密收瓷餅內。每三粒。輕者一粒。重者五粒。泉水下。

姚氏蟾酥丸 治同上

杜蟾酥燒酒浸炸如無杜酥可以東酥加倍明雄黃研硃砂飛各二兩木香曬丁香

曬茅朮炒滑石飛各四錢當門子一兩八味各研極細和入蟾酥杵

勻丸黍米大。每藥丸就四兩。以火酒噴溼。蓋在碗內。加入飛淨硃砂六錢。竭力搖播。以光亮為度。

又一名通靈 治同上而力較峻

杜蟾酥九錢燒酒化錦紋大黃曬乾六兩硃砂飛明雄黃飛明天麻焙乾

麻黃去節焙各三兩六錢甘草去皮微炒二兩四錢丁香六錢當門子三錢茅朮米泔水浸

切焙三兩十味各為細末以糯米粥漿和杵丸蘆煎子大砾砂為

衣每七丸納舌下少頃陰陽水下若研細吹鼻亦可取嚏

霹靂散 治陽虛中寒腹痛吐瀉轉筋肢冷汗淋苔白不渴脈

微欲絕者

附子濃甘草湯煎去毒吳茱萸泡去第一次汁鹽絲瓜絡燒酒洗陳

伏龍肝二兩燒酒一杯收乾木瓜絡石藤七錢煎汁丁香蒸曬六味

共為極細末分作十九服外以醋半酒鹽一錢五分藕肉一兩煎

滾瓦上炙存性研每服加三釐每病止須用半服參湯下案

確係寒證此散固佳若未辨陰陽而用熱藥以為外治倘無

大害內服之藥極宜審慎勿輕試也

回陽膏 治同上

生香附

或用吳茱萸亦可一兩八錢

母丁香

一兩二錢

上桂心

八錢

倭硫黃

五錢當

門子

四錢

五味其研極細瓷餅密收每二三分安臍中以膏藥

封之一時即愈孕婦忌貼案霍亂轉筋既有寒暑之分亦有

寒暑雜感而成者更有暑伏於內而寒束於外者故服藥最

宜審慎况利多亡陰津液大奪雖可投熱藥者亦恐剛烈劫

陰終於不救此方藥雖猛峻而僅取其氣由臍入腹自能溫

通臟腑以逐寒邪不致傷陰誠為善策惟口渴苦黃下利極

熱者顯為陽證雖見肢冷脈伏亦勿妄貼此膏更張其焰也

此方... 治... 宜... 慎... 况... 利... 多... 亡... 陰... 津... 液... 大... 奪... 雖... 可... 投... 熱... 藥... 者... 亦... 恐... 剛... 烈... 劫... 陰... 終... 於... 不... 救... 此... 方... 藥... 雖... 猛... 峻... 而... 僅... 取... 其... 氣... 由... 臍... 入... 腹... 自... 能... 溫... 通... 臟... 腑... 以... 逐... 寒... 邪... 不... 致... 傷... 陰... 誠... 為... 善... 策... 惟... 口... 渴... 苦... 黃... 下... 利... 極... 熱... 者... 顯... 為... 陽... 證... 雖... 見... 肢... 冷... 脈... 伏... 亦... 勿... 妄... 貼... 此... 膏... 更... 張... 其... 焰... 也

隨息居重丁雲龍論藥方篇

前茅也。一猶斥候。旗前有敵則舉。旗報於後軍左。傳前茅慮無二。今謂考試得前列者為前茅。

以上諸方。雖分別熱證寒證之治。而和平猛厲。用得其宜。並皆佳妙。然非倉卒可辦者。故列諸前茅。冀仁人君子。量力製備。刊明藥味。證治。廣為傳播。俾醫家病家。一覽瞭然。不但將死者可以得生。而不死者亦不致誤藥以喪其生。利濟之功。不其偉哉。方下兼及別證治例者。既不敢沒良方之大用。且以推廣施藥之仁懷也。

黃芩湯 傷寒論 治溫病變霍亂之主方。用者因證加減。

黃芩 三兩 炙草

芍藥

大棗

各二兩

水一斗。煮取三升。去渣。溫服一升。日再夜一服。

黃芩加半夏生薑湯

傷寒論

原方加半夏半升。生薑三兩。案冬傷於寒。至春發為溫病。有或瀉或嘔之兼證。皆少陽犯陽明也。故仲聖以黃芩清解溫邪。協芍藥泄迫血之熱。而以甘棗夏薑奠安中土。法至當矣。其溫病轉為霍亂。果由中虛飲聚而伏邪乘之者。仍宜以此法治之。如火勢披猖。上衝下迫。或脈數口渴。或熱深厥深。則無藉乎奠中滌飲。當從事於瀉火清中。舉一反三。在人善悟也。

梔子豉湯 傷寒論 治溫熱暑疫轉為霍亂之主劑。

梔子 十四枚 香豉 四合 懸裹

水四升。先煮梔子得二升半。內豉煮取升半。去滓分二服。

案此傷寒吐劑也。然古方梔子生用，故能涌吐。今皆炒黑用之。雖不作吐，洄溪謂其滌熱除煩之性故在也。而余之治熱霍亂，獨推以為主劑。蓋梔子苦寒，善泄鬱熱。故肘後方以之治乾霍亂矣。豉經蒸腐，性極和中。凡霍亂多由溼鬱化熱，挾穢濁惡氣而擾攘於中宮。惟此二物最為對證良藥。奈昔人皆不知察也。且二物之奇，匪可言罄。如偶以銀花竹葉清暑風，配以白蔻、菖蒲、宣穢、惡溼甚者，臣以滑樸熱勝者，佐以芩連。同木瓜、扁豆，則和合甘草、鼠黏而化毒。其有誤投熱藥而致煩亂躁悶者，亦可藉以為解救。厥功懋矣。而古今之治霍亂者，從不引用。豈非一大闕典耶。

欽定四庫全書
醫部全錄
霍亂門

杭俗作粳

白虎湯 傷寒論 治暑熱熾盛而為霍亂者

石膏 一斤 知母 六兩 甘草 二兩 粳米 六合

水一斗。煮米熟湯成。去滓。溫服一升。日三服。案治霍亂。杭

米須用陳倉者。或用生苡仁亦妙。

白虎加人參湯 傷寒論 治證如前。而元氣已虛者。

原方加人參三兩

案白虎湯神於解熱。妙用無窮。加人參則補氣以生津。加桂枝則和營而化瘧。加蒼朮則清溼以治痿。變而為竹葉石膏湯。則為熱病後之補劑。余因推廣其義。凡暑熱霍亂之兼表邪者。加香薷蘇葉之類。轉筋之熱極似寒。非反佐莫能深入。

者少加細辛威靈仙之類。痰溼阻滯者加厚樸半夏之類。血虛內熱者加生地地丁之類。中虛氣弱者加白朮苡仁之類。病衰而氣短精乏者加大棗枸杞之類。無不奏效如神也。

竹葉石膏湯

傷寒論

治中虛暑熱霍亂及霍亂已定而餘熱未

清。虛羸少氣者。

竹葉二握生石膏一斤半夏半升

洗人參三兩麥門冬一斤杭米半升甘草二兩

兩

水一斗先煮六味取六升去滓內杭米煮米熟湯成去米

溫服一升日三案集驗云此方加生薑治嘔最良余謂治

霍亂宜用地漿煎更妙

蘇
蘇
蘇

桂苓甘露飲 河間 治暑熱挾溼之霍亂

桂皮去 白朮 猪苓各五錢 茯苓去皮 澤瀉各一兩 寒水石 石膏

甘草炙各二兩一方 滑石四兩 九味為末每三錢 溫水或新汲

水或生薑湯量證調下 小兒每服一錢 案此方一名桂苓白

朮散一方不用猪苓或云去猪苓加人參名桂苓白朮散

六一散 即益元散一名天水散 河間

桂府膩白滑石六兩 甘草炙一兩 二味為末每三錢 溫水或新汲

水調下 日三 挾表邪者以蔥白五寸 豆豉五十粒 煎湯調下

本方加黃丹名紅玉散 加青黛名碧玉散 加薄荷名雞蘇散

加硃砂名辰砂益元散

蔥豉湯 肘後 治霍亂發斑

蔥白 握一香豉合三

水煎入童子小便一合日三服

案石頑云本方藥味雖輕功效最著凡虛人風熱伏氣發溫及產後感冒靡不隨手獲效余謂胎前外感何嘗不是妙劑蘆根竹葉蘇葉黃芩可以隨證佐入

四苓散 溫疫論 治溼盛霍亂胸悶溺澀而渴者

茯苓 猪苓 澤瀉 橘皮

水煎服

案吳氏五苓去桂而治胃中溼熱最為有見且以橘皮易朮

則無實中之弊。而有利氣之功。當變而變。斯為善用古法。欲

平霍亂者。宜知所趨嚮矣。吳又可溫疫論。解理透闢。用藥靈活。為病家不可不閱之書。益園。

平胃散 局方 治溼盛於中。霍亂吐瀉。

茅朮 去粗皮米泔浸四兩 紫厚樸 去皮薑汁炒 陳皮 去白各三兩二錢 甘草 炙二兩

味為末。每服二錢。水一盞。薑一片。煎七分服。轉筋者加木瓜。

本方加藿香半夏。名金不換正氣散。

藿香正氣散 治溼蘊於中。寒襲其外。而為霍亂吐瀉者。

厚樸 陳皮 桔梗 白朮 半夏 各二兩 大腹皮 一本作蒼朮

椰亦 白芷 茯苓 蘇葉 藿香 各三兩 甘草 炙一兩 十一味為

粗末。每三錢。薑三片。棗一枚。煎服。蘭臺軌範此方無白朮似更妥謝城

案右二方皆治風寒外感。食滯內停。或兼溼邪。或吸穢氣。或傷生冷。或不服水土等證。的是良方。若溫暑熱證。不兼寒溼者。在所切禁。今人謂其統治四時感證。不審病情。一概濫用。誤人不少。用治霍亂。薑棗宜裁。

半夏厚樸湯

一名四七湯

治情志不舒。痰溼阻氣。而成霍亂者。

半夏

一升

厚樸

三兩

茯苓

四兩

乾蘇葉

二兩

生薑

五兩

水七升。煮取四升。分溫四服。

案此方既主七情不適之鬱痰證。亦治寒溼不化。風感外侵。食滯不消。誤投滋補。因而病劇者。無不所嚮輒捷。

六和湯

治夏月虛人外感風寒。內傷生冷之霍亂吐瀉。而身

發熱者

香薷二錢 人參

茯苓

甘草

炙扁豆

厚樸

製木瓜

杏仁

去皮半錢 夏各一錢

藿香

砂仁

炒研各六分

生薑

三片 大棗

一枚

水煎服

香薷飲 局方

治暑月乘涼飲冷。陽氣為陰邪所遏。頭痛發熱惡

寒煩躁。口渴腹滿之霍亂。

香薷一斤 厚樸

薑汁炒

白扁豆

各半斤

三味為粗末。每五錢至一兩。

水煎冷服。

黃連香薷飲

活人

治同上。

原方加薑汁炒黃連四兩。

左金丸 治霍亂轉筋。肝火內熾。或吐青綠苦水者。

川連六兩 吳茱萸取陳而開口者一兩 二味同煮乾為細末。米飲糊丸。綠

豆大。每三錢。陳木瓜五錢煎湯下。吐酸味者。竹筍生苡仁各

三錢煎湯下。案張雨農司馬見余采此方。極為首肯。云嘗在

都城見杜石樵少宰亦用此藥治愈多人也。

黃芩定亂湯夢隱 治溫病轉為霍亂。腹不痛而肢冷脈伏。或肢

不冷而口渴苔黃。小水不行。神情煩躁。

黃芩酒炒 焦梔子 香豉炒各一錢五分 原蠶砂三錢 製半夏 橘紅鹽水

炒各一錢 蒲公英四錢 鮮竹筍二錢 川連薑汁炒 陳吳萸泡淡一分

陰陽水二錢煎一錢。候溫徐服。轉筋者加生苡仁八錢。絲

瓜絡三錢。溺行者。用本瓜三錢。溼盛者。加連翹茵陳各三

錢。

燃照湯 霍亂論 治暑穢挾溼。霍亂吐下。腕痞煩渴。苔色白膩。外

顯惡寒。肢冷者。

飛滑石 四錢 香豉 炒三錢 焦梔 二錢 黃芩 酒炒 省頭草 各一錢五分 製厚樸

製半夏 各一錢

水煎去滓。研入白蔻仁八分。溫服。苔膩而厚濁者。去白蔻。

加草果仁一錢。

連樸飲 霍亂論 治溼熱蘊伏而成霍亂。兼能行食滌痰。

製厚樸 二錢 川連 薑汁炒 石菖蒲 製半夏 各一錢 香豉 炒 焦梔 各三錢

錢

蘆根二兩

水煎溫服。

蠶矢湯

霍亂論

治霍亂轉筋。肢冷腹痛。口渴煩躁。目陷脈伏。時

行急證。

晚蠶砂

五錢

生苡仁

大豆黃卷

各四錢

陳木瓜

三錢

川連

薑汁炒二錢

製半夏

黃芩

酒炒

通草

各一錢

焦梔

一錢

陳吳萸

五分

黃

泡淡三分

地漿。或陰陽水煎。稍涼徐服。

解毒活血湯

夢隱

治溫暑痧邪。深入營分。轉筋吐下。肢厥汗多。

脈伏溺無。口渴腹痛。面黑目陷。勢極可危之證。

連翹

絲瓜絡

淡紫菜

各三錢

石菖蒲

一錢

川連

吳萸水炒二錢

原蠶

砂地丁 益母草錢各五 生苡仁錢八 銀花錢四

地漿或陰陽水。煮生綠豆四兩。取清湯煎藥。和入生藕汁。

或白茅根汁。或童便一杯。稍涼徐徐服。

駕輕湯霍亂論 治霍亂後餘邪未清。身熱口渴及餘熱內蘊。身

冷脈沉。湯藥不下而發呃者。

鮮竹葉 生扁豆錢各四 香鼓炒 石斛錢各三 枇杷葉刷二錢 橘紅

鹽水 陳木瓜錢各一 焦梔錢五分

水煎溫服。

昌陽瀉心湯夢隱 治霍亂後胸前痞塞。湯水礙下。或渴或呃。

石菖蒲 黃芩酒炒 製半夏錢各一 川連薑汁炒 蘇葉三四分 製厚

樸八分鮮竹茹

枇杷葉二錢蘆根一兩

天雨水急火煎徐徐溫服小溲祕澀者加紫苑此方甚巧

謝城

案此瀉心湯證也何必另立方治以暑熱穢濁之邪與傷寒不同故五瀉心皆有圓柄方鑿之格漫為引用豈徒無益已哉茲以菖蒲為君辛香不燥一名昌陽者謂能埽滌濁邪而昌發清陽之氣也合諸藥以為劑其奏蠲痰泄熱展氣通津之績已歷試不爽矣

麥門冬湯

金匱

治霍亂後餘熱未清神倦不饑無苔而渴或火

升氣逆乾咳無痰

麥冬一兩製半夏五分

人參一錢

甘草一分

粳米半合

大棗四枚

水煎温分四服

案海藏以竹葉易半夏。治温熱後房勞復之氣欲絕者大效。余謂卽不因房勞復而氣液兩虧不能受重劑峻補皆可以此湯接續其一綫之生機。余屢用輒效。

致和湯 霍亂論 治霍亂後津液不復。喉乾舌燥。溺短便澹。

北沙參 生扁豆 石斛 陳倉米 各四錢 枇杷葉 刷 鮮竹葉

麥冬 各三錢 陳木瓜 六分 生甘草 一錢

水煎服

五苓散 傷寒論 治傷寒轉霍亂。身熱頭痛渴欲飲水。

朮 石頑云宜用生白朮 茯苓 猪苓 各十八銖 案二十四銖爲一兩。每銖重四分二釐弱。六銖爲緡卽二

錢五分十八銖
即七錢五分
澤瀉一兩桂五錢五味爲末以白飲和服方寸

七日三多飲煖水汗出愈

案仲聖於霍亂分列熱多寒多之治皆爲傷寒轉爲霍亂而設故二多字最宜玩味所云熱多者謂表熱多於裏寒也寒多者裏寒多於表熱也豈可以熱多二字遂謂此方可治熱霍亂哉沈果之云其用桂者宣陽氣通津液于周身非用之以通水道下出也用瀉朮二苓以通三焦之閉塞非開膀胱之溺竅也如果熱人而渴復用桂朮以溫液耗津又加苓澤以滲之是熱之又熱耗之又耗速之斃矣余謂觀此則多飲煖水汗出愈之義益明故霍亂無陽氣鬱遏身熱之表證無

三焦閉塞氣化不宣之裏證而欲飲水者切勿誤解熱多爲熱證而妄援聖訓。復投此藥也。石頑又可皆語焉未詳。河間則加三石以駕馭之。茲復詳述方義。庶用者知所取舍焉。而今人治溼熱病。不察其有無外挾風寒內傷生冷之兼證。輒以胃苓湯爲通用之方。因而僨事者亦多。且古方用散。不過三錢。權量又小。今世改爲湯劑。動輒一二兩。權量又大。宜乎中病者恆少。而誤人者恆多也。豈獨霍亂然哉。可慨也夫。又案此方與苓桂朮甘湯同爲溫中滌飲之劑。而力較峻。凡霍亂之寒溼內盛。水飲阻閉。三焦者。雖外無風寒之表邪。未嘗不可用也。故亦治水蓄之疝。溼聚之腫。氣滯者加厚樸。氣

虛者加人參名春澤湯用藥如用兵苟能量敵而選將斯戰無不

克矣

理中丸

傷寒論

治寒霍亂口不渴者

人參

甘草

白朮

乾薑各三兩

四味搗篩爲末蜜和丸雞

黃大以沸湯數合和一丸碎研溫服之日三夜二腹中未熱益至三四丸然不及湯法以味依兩數切用水八升煮取三升去滓溫服一升日三

加減法若臍上築者腎氣動也去朮加桂四兩尤氏云臍上

築者臍上築築然跳動腎氣上而之脾也脾主受氣朮之甘能壅脾氣故去之桂之辛能下腎氣故加之案此陽虛之腎

氣動欲作奔豚也。故去朮加桂以杜其上凌之萌。若陰虛而
臍上築築者。大忌剛燥之劑。非峻滋肝腎之陰不可。蓋一爲
水動。一爲火動也。

吐多者。去朮。加生薑三兩。尤氏云。吐多者。氣方上壅。甘能壅
氣。故去朮。辛能散氣。故加生薑。案鄒潤安云。既吐且利。有屬
太陰者。有屬少陰者。在少陰。則無用朮之理。在太陰。亦在可
用。可不用之列。以朮能治脾胃虛。不能治脾胃實。故吐多者
去之。下多者。還用之。蓋朮能舉脾之陷。不能定胃之逆也。又
洞溪云。寒霍亂可用理中者。百不得一。余謂是寒霍亂矣。可
用理中矣。尙有如此細密加減之法。何今人既不議病。又不

議藥輕於一試。何異以不教之民而使之戰耶。吁可哀已。

下多者。還用朮。悸者。加茯苓二兩。尤氏云。下多者。脾氣不守。故須朮以固之。悸者。腎水上逆。故加茯苓以導之。案今人治霍亂。既不辨其證之虛實寒熱。亦不察其吐多下多。溫補率投。漫無忌憚者。吾不知其何心也。

渴欲得水者。加朮。足前成四兩半。尤氏云。渴欲得水者。津

液不足。白朮之甘。足以生之。案此渴。因脾虛不能爲胃行其津液。故加朮以補脾。而致其津液也。所謂白朮能生津液者。其義如此。豈熱燥津液而渴者。所堪一試哉。

腹中痛者。加人參。足前成四兩半。尤氏云。腹中痛者。裏虛

不足。人參之甘。足以補之。寒裏虛腹痛。必喜溫按。

寒者加乾薑。足前成四兩半。尤氏云。寒者。腹中氣寒也。乾

薑之辛。足以溫之。案五苓主熱多。謂表有熱也。理中主寒多。

謂裏有寒也。故方下。既有腹中未熱。益至三四丸之法。此復

云寒者加乾薑。是腹中尙未熱。故獨于此味。又加重也。蓋腹

中寒。爲寒之真諦。故仲聖不嫌煩複。而瑣瑣教人。以此爲辨

證之法。顧昧者一見吐下。肢寒。略不察其腹中。光景。何如。擅

以薑附丁桂。欲其轉熱。遂至從此而一身皆冷。嗚呼。豈未聞

熱深厥深之聖訓乎。

腹滿者去朮。加附子一枚。服湯後如食頃。飲熱粥一升許。微

食頃

也。言一飯之頃。其時短。

自温勿發揭衣被。尤氏云。腹滿者。氣滯不行也。氣得甘則

壅得辛則行。故去朮加附子。案飲熱粥一升許。固是助藥力。

亦是辨證法。設時行熱霍亂。不但熱粥在所大忌。即使不忌。

亦萬不能強飲升許。果能飲熱粥升許者。豈非虛寒為病乎。

故可以理中治之。若蔽千古而不知今。是房瑄之以車戰也。

案原方加附子。名附子理中湯。加青皮。陳皮。名治中湯。加枳

實。茯苓。名枳實理中湯。加黃連。名連理湯。合五苓。名理苓湯。

厚樸。生薑。半夏。甘草。人參。湯。傷寒論。治虛人寒溼霍亂。

厚樸去皮。生薑切各半斤。半夏洗半升。甘草炙二兩。人參一兩。

水一斗。煮取三升。去滓。温服一升。日三。

四逆湯傷寒論治陰寒霍亂汗出而四肢拘急小便復利脈微

欲絕而無頭痛口渴者

生附子一枚乾薑兩半甘草兩炙二

水三升煮取一升二合去滓分溫再服強人可用大附子

一枚乾薑三兩

案附子乾薑非攻蕩之品何以強人乃可加倍用蓋無論補瀉寒熱諸藥皆賴身中元氣載之以行故氣強者堪任重劑若氣弱者投劑稍重則氣行愈餒焉能駕馭藥力以為補瀉寒熱之用耶凡事皆然用藥特其一端耳顧知之者鮮所以覆敗多而成功少也

通脈四逆加猪膽汁湯 傷寒論 治陰寒霍亂愈後四肢拘急脈

微欲絕者。

前方加入猪膽汁半合和服。如無猪膽以羊膽代之。

附子粳米湯 金匱 治中寒霍亂肢冷腹痛吐少嘔多者。

附子 薑汁炮切 半夏 薑汁炒 甘草 炙各三錢 大棗 十枚 粳米 半升

水五升煮米熟湯成去滓温服一升。

吳茱萸湯 傷寒論 治少陰吐利厥逆煩躁及厥陰寒犯陽明食

穀欲嘔。

吳茱萸 洗一斤 人參 兩三 生薑 六兩切 大棗 十二枚

水七升煮取二升去滓分三服。

漿水散潔古治陰寒霍亂暴瀉如水汗多身冷氣少腹痛脈沉

或脫者

甘草 乾薑 附子 桂各五錢 良薑 半夏俱醋炒各二錢

漿水煎去滓冷服

案石頑云漿水乃秫米和麴釀成如醋而淡今人點牛乳作餅用之或用澄綠豆粉之漿水尤佳余謂地漿亦可用

冷香飲子 治陰寒霍亂腹痛脈沉細或絃緊無汗惡寒面如

塵土四肢厥逆陽氣大虛之證

甘草 附子 草果仁 橘紅各一錢 生薑片五

水煎冷服

大順散 局方 治襲涼飲冷陰寒抑遏陽氣而成霍亂水穀不分

脈沉而緊者

甘草

四兩 乾薑

杏仁

去皮尖

桂心

各六錢四分

先將甘草同白砂

炒至八分黃熟

王晉三云白砂即河砂

次入乾薑同炒令薑裂次入杏

仁同炒候不作聲為度篩去砂與桂心同搗為散每二錢水

煎服或沸湯調服如煩躁并華水調下

案洞燠云此治暑月內傷飲冷證非治暑也又甘草多於諸

藥八倍亦非法此等病百不得一而世人竟以之治燥火之

暑病殺人無算可勝悼哉余謂以上三方皆治夏令因畏熱

而浴冷臥風冰瓜過啖反為陰溼所傷致病實夏月之傷寒

也。故用藥如是。如名醫類案所載。羅謙甫治商參政。與完顏小將軍二案。俱用熱藥。俱不名曰暑病。又吳球治暑月遠行人案。直曰中寒。蓋深恐後世誤以熱藥治暑。故特舉病。因以稱之。可謂名正言順矣。乃昧者猶誤謂此等方爲治暑之藥。誠有一盲引眾盲。相將入火坑之歎。夫盛夏之有寒病。猶隆冬之有熱病。雖不多見。而臨證者不可不諦辨而施治也。

神香散

景岳

治霍亂因於寒溼凝滯氣道者。

丁香

白豆蔻

各七粒

二味研末。清湯下。小腹痛者加砂仁。七粒

案晉三云。此方治寒溼痧脹有神功。與益元散治溼熱痧脹可謂鍼鋒相對。

來復丹 局方 治上盛下虛。裏寒外熱。伏暑夾陰。霍亂危證。

太陰元精石 舶上硫黃 硝石 各一兩用硫黃為末 橘紅 微火炒結成砂子大

青皮 去白 五靈脂 澄去砂炒令 六味為末 醋糊丸 豌豆大 每

服三十九白湯下

桂枝湯 傷寒論 治寒霍亂後身痛不休

桂枝 去皮 芍藥 生薑 切各三兩 甘草 炙二兩 大棗 十二枚擘

水七升。微火煮取三升。去滓。適寒溫。服一升。須臾啜稀熱

粥一升餘。以助藥力。

異功散 治霍亂後中虛主劑。

人參 一錢至三錢 白朮 炒黃一錢 茯苓 一錢至 甘草 炙六分 橘紅 一錢

一錢

水煎服。肝風動而身痛肢浮者。加水瓜薑棗。

梅花丸

治體虛多鬱。血熱氣愆。木土相乘。嘔瀉腹痛。易感痧

穉霍亂者。久服可杜外患。兼除宿恙。亦主肝胃久痛。消癥調

經帶。催生種子。孕婦忌之。

綠萼白梅蕊

三兩飛滑石 七兩以粉丹皮八兩煎

四製香附 三兩

甘松

蓬莪莖 各五錢

山藥

茯苓 各三錢

人參

潞參洋參高麗參皆可因

人耐嫩黃耆

益智仁

砂仁

勿見火

遠志肉

甘草水製木

香

不見火

桔梗

甘草

分七

十五味

各研細末

合研勻

煉白

蜜搗丸

每丸重一錢

白蠟衣之

每一丸去衣

開水調服

案此方調和氣血。舒鬱培元。男女皆堪久服。以杜諸疴。不僅可已肝胃之痛。而禦腸胃之亂也。孕婦體堅。或胎氣多滯者。正宜用以宣展充暢。惟虛而不固者忌之。

資生丸 調和脾胃。運化飲食。滋養營衛。消除百疾。可杜霍亂等患。

人參酌用 白朮同上 橘紅 查肉 神麴各二兩 茯苓一兩 甘草五錢

草炙五錢 川連薑汁炒 白蔻仁各三錢 九味研細末。煉白蜜搗丸。

彈子大。每食後細嚼一丸。開水下。嚴寒時。或用淡薑湯下。

案石頑云。此古方也。與後人加味者。雖繁簡不同。而功效不異。

繆氏資生丸 治同上。

人參 人乳浸飯上蒸烘乾 白朮 米泔水浸山黃土拌蒸九次曬九次去土切片焙乾各三兩 查肉 蒸

橘紅 略蒸各二兩 白茯苓 細末水澄蒸曬乾入人乳再蒸曬乾 懷山藥 切片炒 白扁豆

炒湘蓮肉 炒 芡實粉 炒 薏苡仁 炒各一兩五錢 麥芽 炒研磨取淨麵一兩 霍香

葉 不見火 甘草 去皮炙 桔梗 米泔浸去蘆蒸各五錢 澤瀉 切片炒 白蔻仁 勿見火各

三錢 川連 如法炒七次三錢 十七味如法修製細末煉白蜜搗丸每

丸重二錢飯後白湯或橘皮湯砂仁湯嚼化下。

案治法彙醫通蘭臺執範載此方皆有神麴二兩其餘分兩

亦稍有參差名醫方論有神麴無澤瀉廣筆記云妊娠三月

陽明脈養胎陽明脈衰胎無所養故易墮也宜服此丸洞溪

云。此方治懷孕氣阻。用兼消補之法。以止嘔吐而固胎氣。意頗可取。余謂保胎止吐。皆健運脾胃之功。故曰資生。夫脾胃位鎮中樞。而司出納。爲人生後天之本。一失健運。百病叢生。凡衰老稚弱。及饑飽不時。勞逸過度。思慮久傷之輩。脾胃尤易受病。若能常服此丸。俾升降不愆。周流無滯。揮霍撩亂。於是弭焉。

俱收竝蓄。待用無遺。爲將爲醫。理無二致。對證發藥。諺語
堪師。十劑七方。陣圖有法。故必藥性明而兵法諳。始可制
方臨敵也。先藥性。後方劑。特其大略耳。神明變化。存乎其
人。方先外治而後內服。昭慎重也。始卧龍而中結。以致和
未殿以資生。其有如卧龍之才者。出而撥亂反正。以致中
和。則天地位。萬物育。化日舒長。更何疫癘之有哉。謹拭目
待之。以慰余重訂此書之意焉。故列藥方第四。

霍亂括要 附錄

道光紀元。水運風木司天。相火在泉。夏秋霍亂大發。經云。必先歲氣。毋伐天和。爰引古方。擬撰七言。附以管見。爲司命者之一助。

蘭陵岳晉昌撰

暑溼風寒。飲食傷三焦。失道夏秋行。厥陰風木司天盛。濁氣清陽亂胃腸。

夫六氣之邪。燥氣發霍亂少。風邪發霍亂輕。若暑火挾溼邪。爲熱霍亂。寒挾溼邪。爲寒霍亂。霍亂多兼飲食過飽。乃發。亦有觸穢惡發者。靈樞經曰。更實更虛。其氣乃居。食入則胃實而腸虛。食下則腸實而胃虛。若飲食多飽。脹則腸

胃俱實。氣閉不得升降。作吐瀉矣。

吐瀉轉筋。手足寒。心煩熱渴。左金安。二苓滑澤分清濁。溫膽藿香。嘔痞寬。

猝然痞痛。吐瀉轉筋而發霍亂者。多因清氣濁氣亂於腸胃也。若腕痛者。病在上中焦。先嘔後瀉。若腹痛者。病在中下焦。先瀉後嘔。先轉筋後吐瀉者。輕。先嘔瀉後轉筋者。重。蓋霍亂症。手少陽三焦俱病。上焦不入則吐。飲食不納。中焦不運化則痞痛。下焦不分則大便瀉。小便不通。若吐瀉而手足溫。不渴兼太陰者。順。吐瀉而參蚘消渴。手足厥冷。兼厥陰者。險。吐瀉而煩渴腰痛。失音氣急。兼少陰者。危。至

於手掌紫冷。厥冷至肘膝。冷汗出。直視發呃。吐瀉。小便不
通。煩躁氣急。脈微欲絕。或浮虛欲散。此三焦厥陰少陰俱
病。逆症危急。凡治吐瀉轉筋。痞痛腸鳴。煩渴參蚘。眩陷失
音。手足厥冷。爪紫。脈伏或微者。即用左金湯和陰陽。治嘔
瀉。因川連入心胃。清暑除煩渴。治熱嘔瀉也。吳茱萸入肝
腎。去寒降濁氣。除手足厥冷轉筋。右關尺瀉伏。治寒嘔瀉
也。其黃連吳茱萸分兩。隨寒熱輕重配合爲要。合溫膽湯
加藿香。通痞治嘔。再合猪苓湯去阿膠。加水通利小便止
瀉也。井水河水各一杯。煎至一杯。分兩次服。服後毋多飲。
多飲則連藥吐出。不得藥力矣。此夏秋霍亂症治法。若冬

令及春初霍亂症當宗傷寒論霍亂門張長沙諸方治法也。

先針手紫木通經。暢痞分疎。小便行。嘔瀉漸安。無喘躁。肢溫脈復。轉回春。

經經絡也。凡吐瀉轉筋。手爪紫甚者。手掌皆紫。內加木通。外當針刺通經血。以洩邪。凡治吐瀉法。當化滯通痞。以止嘔。分消利小便。以止瀉。先服藥不嘔。後小便通利。則吐瀉止。手足厥冷。漸溫。六脈漸復。正回。卽生矣。雖吐瀉已止。而煩躁氣喘。爲暑邪未解。陰陽未和。有邪正兩脫之危。但盛夏霍亂。煩熱性躁者。日夜赤身不衣。當風而卧。則暑邪鬱。

悶無汗喘躁而危。又有恣飲冷水吐瀉不止。肢冷發呃。冷汗脈脫則斃。至長夏吐瀉汗多。正氣易脫。深秋吐瀉汗少。伏邪難達。治當活變。

嘔瀉頻頻。語失音。肢寒煩渴。汗淋淋。沈微欲絕。浮虛散。救脫連苓四逆參。

霍亂吐瀉。連次多不止。手足寒至肘膝。冷汗淋淋。指爪青白。目眊低陷。失音呃短。脈沈微欲絕。或浮虛欲散者。此三焦厥陰俱病。少陰逆症。更兼口渴煩躁。用茯苓四逆人參湯。加川連。既濟法。冀幸服後身溫躁止。脈微續轉細緩者。陽回卽生。若更兼微煩微渴者。用茯苓四逆。加麥冬。冀幸。

痼通嘔止瀉多空。用枳芩連入理中。瀉止痼堅頻嘔噦。熱煩半夏瀉心功。

吐瀉轉筋諸症。用左金合溫膽。猪苓湯去阿膠。加藿香木通。服後痼通嘔止。而瀉多不止。轉用理中。加枳殼黃連茯苓六一散治之。若吐瀉轉筋諸症。服左金溫膽。復方後小便長瀉止。而痼悶煩熱嘔噦渴不止者。轉用半夏瀉心湯。去棗加枳殼厚樸橘皮藿香竹茹治之。

調和霍亂陰陽水。汗少香薷呃柿丁。止渴蛔梅清暑土。承先哲治在靈通。

吐瀉汗少加香薷。吐瀉用鮮黃土。清暑安蛔。舌紅用鬱金。

涼心營昏煩乃暑邪閉氣加鮮石菖蒲開心陽若呃加丁香柿蒂脘腹痛甚加延胡水香若消渴參蚬加烏梅若轉筋甚加木瓜但木瓜烏梅氣味酸收宜少用多則恐小便不利至於黃連湯加吳茱萸蘆根隨症參用瀉止嘔數日不止旋覆代赭湯或合左金或合溫膽每年氣運不同西北東南高卑不一必須靈通活變不可拘泥執一

左金湯方

川連或生或炒隨酌 吳茱萸湯製半夏 茯苓 陳皮 甘草 枳殼

竹茹 加藿香

猪苓湯方

猪苓 茯苓 滑石 澤瀉 去阿膠 加車前子 木通

半夏瀉心湯

加枳殼 厚樸 陳皮 藿香 竹茹 去大棗

理中湯方 應投理中四逆之症務宜加意審察

黨參 三錢 白朮 一錢 炙甘草 三分 乾薑 五分 茯苓 二錢 枳殼 一錢

川連 三分

茯苓四逆湯方

附片 八分 乾薑 三分 東洋參 一錢 炙甘草 三分 煩渴加川連 三分

口渴加麥冬 二錢

藿香左金丸方

藿香 五錢

吳茱萸 四錢

川連 三錢

鬱金 二錢

枳殼 二錢

厚樸 二錢

製半夏 二錢

砂仁 二錢

茯苓 二錢

猪苓 二錢

車前子 二錢

六一

散 三錢

其研細末。香薷生薑木通各一兩。煎湯滴丸。每服二二

錢。開水送下。輕二服。重加之。